

- (2) Ovaj Kolektivni ugovor kada se zaključi, dostavlja se kantonalnom ministarstvu nadležnom za rad, u skladu sa Zakonom o radu.

Broj 439-11/22
15. novembra 2022. godine
Za Sindikat Univerziteta u
Sarajevu
Prof. dr. **Amir Zahirović**, s. r.

Broj 27-03-02-36364-5/22
15. novembra 2022. godine
Za Vladu Kantona Sarajevo
Premijer
Edin Forto, s. r.

Ministarstvo finansija Kantona Sarajevo

Na osnovu člana 17. stav (1) Zakona o izvršavanju Budžeta Kantona Sarajevo za 2022. godinu ("Službene novine Kantona Sarajevo", br. 5/22), po zahtjevu JU Centara za napredne tehnologije u Sarajevu, Ministar finansija donosi slijedeću

ODLUKU

O PRERASPODJELI SREDSTAVA U BUDŽETU KANTONA SARAJEVO ZA 2022. GODINU ZA BUDŽETSKOG KORISNIKA JU CENTAR ZA NAPREDNE TEHNOLOGIJE U SARAJEVU

1. Odobrava se preraspodjela sredstava u Budžetu Kantona Sarajevo za 2022. godinu, sredstva u iznosu 125.000 KM u razdjelu 18030001 JU Centar za napredne tehnologije u Sarajevu i to:

Raz	Glava	Potr. jed.	Ekon. kod	Subanalitika	Funkcija	OPIS	Iznos u KM
18	03	0001				JU Centar za napredne tehnologije u Sarajevu	
						Sa ekonomskog koda (izvor 10)	
18	03	0001	6111		047	Bruto plaće i naknade plaća	60.000
18	03	0001	6112	ICA001	047	Naknade troškova prevoza na posao i s posla	5.000
18	03	0001	6112	ICA002	047	Naknade za topli obrok	20.000
18	03	0001	6112	ICA003	047	Naknade za regres za godišnji odmor	5.000
18	03	0001	6121		047	Doprinosi poslodavca	4.000
18	03	0001	6134		047	Nabavka materijala i sitnog inventara	6.000
18	03	0001	6136		047	Unajmljivanje imovine, opreme i nematerijalne imovine	15.000
18	03	0001	8216		047	Rekonstrukcija i investiciono održavanje	10.000
						Na ekonomski kod (izvor 10)	
18	03	0001	6139		047	Ugovorene i druge posebne usluge	61.000
18	03	0001	8213		047	Nabavka opreme i nabavka opreme za laboratorije	63.000
18	03	0001	8215		047	Nabavka stalnih sredstava u obliku prava	1.000

2. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-11-44046/22
28. oktobra 2022. godine
Sarajevo

Ministar
Davor Čičić, s. r.

Na osnovu člana 17. stav (1) Zakona o izvršavanju Budžeta Kantona Sarajevo za 2022. godinu ("Službene novine Kantona Sarajevo", br. 5/22), po zahtjevu JU OŠ "Safvet beg Bašagić", ministar finansija donosi slijedeću

ODLUKU O PRERASPODJELI SREDSTAVA U BUDŽETU KANTONA SARAJEVO ZA 2022. GODINU ZA BUDŽETSKOG KORISNIKA JU OŠ "SAFVET BEG BAŠAGIĆ"

1. Odobrava se preraspodjela sredstava u Budžetu Kantona Sarajevo za 2022. godinu, sredstva u iznosu 18.850 KM u razdjelu 21020012 JU OŠ "Safvet beg Bašagić" i to:

Raz	Glava	Potr. jed.	Ekon. kod	Subanalitika	Funkcija	OPIS	Iznos u KM
21	02	0012				JU OŠ "Safvet beg Bašagić"	
						Sa ekonomskog koda (izvor 10)	
21	02	0012	6112	LBA059	091	Otpremnine zbog odlaska u penziju	8.000
21	02	0012	6132		091	Izdaci za energiju	6.400
21	02	0012	6137		091	Izdaci za tekuće održavanje	450
21	02	0012	6148		091	Drugi tekući rashodi	4.000
						Na ekonomski kod (izvor 10)	
21	02	0012	6112	LBA060	091	Naknade u slučaju smrti i teže invalidnosti	8.850
21	02	0012	6133		091	Izdaci za komunikaciju i komunalne usluge	2.000
21	02	0012	6139		091	Ugovorene i druge posebne usluge	8.000

2. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-11-44297/22
28. oktobra 2022. godine
Sarajevo

Ministar
Davor Čičić, s. r.

Na osnovu člana 17. stav (1) Zakona o izvršavanju Budžeta Kantona Sarajevo za 2022. godinu ("Službene novine Kantona Sarajevo", br. 5/22), po zahtjevu JU OŠ "Hilmi ef. Šarić", ministar finansija donosi slijedeću

ODLUKU O PRERASPODJELI SREDSTAVA U BUDŽETU KANTONA SARAJEVO ZA 2022. GODINU ZA BUDŽETSKOG KORISNIKA JU OŠ "HILMI EF. ŠARIĆ"

1. Odobrava se preraspodjela sredstava u Budžetu Kantona Sarajevo za 2022. godinu, sredstva u iznosu 2.040 KM u razdjelu 21020003 JU OŠ "Hilmi ef. Šarić" i to:

Raz	Glava	Potr. jed.	Ekon. kod	Subanalitika	Funkcija	OPIS	Iznos u KM
21	02	0003				JU OŠ "Hilmi ef. Šarić"	
						Sa ekonomskog koda (izvor 10)	
21	02	0003	6112	LBA015	091	Naknade u slučaju smrti i teže invalidnosti	2.040
						Na ekonomski kod (izvor 10)	
21	02	0003	6131		091	Putni troškovi	2.040

2. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-11-44173/22
28. oktobra 2022. godine
Sarajevo

Ministar
Davor Čičić, s. r.

Ministarstvo za boračka pitanja Kantona Sarajevo

Na osnovu člana 66. stav 2., člana 68. stav 1. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 4.

Odluke o davanju u podzakup stanova, poslovnih prostora i garaža u objektima O-9 i O-10 na lokaciji "OTES" ("Službene novine Kantona Sarajevo", broj 16/03), ministar za boračka pitanja Kantona Sarajevo donosi

PRAVILNIK ZA DODJELU STANA POD ZAKUP

DIO PRVI - OSNOVNE ODREDBE

Član 1.

(Osnovne odredbe)

Ovim Pravilnikom uređuju se korisnici prava na stan pod zakup, način ostvarivanja prava, uvjeti za ostvarivanje prava na stan pod zakup, postupak utvrđivanja prvenstva za rješavanje stambenih potreba dodjelom stana pod zakup, kriteriji za prvenstvo ostvarivanja prava na stan pod zakup na lokaciji "Otes", pripadnicima braniteljske populacije kojima raspolaze odnosno koje koristi Ministarstvo za boračka pitanja Kantona Sarajevo (u daljnjem tekstu: Ministarstvo).

Član 2.

(Korisnici prava na stan pod zakup)

Pod pripadnicima braniteljske populacije smatraju se lica iz člana 1. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", broj 31/22) i djeca šehida, poginulih, umrlih i nestalih branioca.

Član 3.

(Rodna neutralnost izraza)

Izrazi koji se koriste u ovom pravilniku, a imaju rodno značenje koriste se neutralno i odnose se jednako i na muški i na ženski rod.

DIO DRUGI - POSTUPAK, NAČIN I UVJETI OSTVARIVANJA PRAVA

Član 4.

(Način ostvarivanja prava)

Pripadnici braniteljske populacije svoje stambene potrebe rješavaju dodjelom stana pod zakup od strane Ministarstva na čiju odluku saglasnost daje Vlada Kantona Sarajevo, u skladu sa ovim pravilnikom, kriterijima i drugim propisima, a koje vezano za ovu problematiku donese Vlada Kantona Sarajevo i Ministarstvo.

Član 5.

(Uvjeti za ostvarivanje prava)

- (1) Pravo na rješavanje stambenih potreba dodjelom stana pod zakup pripadnici braniteljske populacije imaju pod uvjetom da imaju prijavljeno prebivalište, odnosno boravište na području Kantona Sarajevo, najmanje 10 godina neprekidno do 01.01. one godine u kojoj se predaje zahtjev za ostvarivanje ovog prava i koji se nalaze u teškoj socijalno-ekonomskoj situaciji.
- (2) Pojam neprekidnog prebivališta, odnosno boravišta na području Kantona podrazumijeva i prekide u boravištu/prebivalištu, ne duže od tri mjeseca u toku jedne kalendarske godine, ukoliko se isti odnose na prijavu u mjesto prijeratnog prebivališta.

Član 6.

(Lica koja ne mogu ostvariti ovo pravo)

Ukoliko za dodjelu stana pod zakup zahtjev podnose raseljena lica koja su ujedno i lica iz člana 1. Zakona i djeca šehida, poginulih, umrlih i nestalih branioca, osim uvjeta propisanih za ostvarivanje ovog prava isti moraju dokazati da nemaju riješeno stambeno pitanje na području Bosne i Hercegovine, odnosno da nisu ostvarili povrat stambene jedinice u entitetu Republika Srpska i da nisu istu prodali ili na drugi način otuđili.

Član 7.

(Opći uvjeti za ostvarivanje prava na stan pod zakup)

Pravo na dodjelu stana pod zakup pripadnici braniteljske populacije mogu ostvariti pod slijedećim uvjetima:

- a) da imaju prijavljeno prebivalište, odnosno boravište na području Kantona Sarajevo, najmanje 10 godina neprekidno do 01.01. one godine u kojoj se predaje zahtjev za ostvarivanje ovog prava,
- b) da je podnosilac zahtjeva lice iz člana 1. Zakona o dopunskim pravima boraca-branitelja Bosne i Hercegovine i dijete šehida, poginulog, umrog i nestalog branioca,
- c) da podnosilac zahtjeva i članovi njegovog porodičnog domaćinstva nisu dobrovoljno zamijenili nekretninu ili stan,
- d) da podnosilac zahtjeva i članovi njegovog porodičnog domaćinstva nisu prodali ili prenijeli nekretnine ili stan na druga lica, a koje su koristili prije rata,
- e) da podnosiocu zahtjeva i članovima njegovog porodičnog domaćinstva nije dodijeljeno građevinsko zemljište,
- f) da podnosilac zahtjeva i članovi njegovog porodičnog domaćinstva nisu dobili kredit, građevinski materijal ili drugu vrstu pomoći za rješavanje stambenih potreba,
- g) da podnosilac zahtjeva i članovi njegovog porodičnog domaćinstva nemaju pravo vlasništva ili stanarsko pravo na stanu, kući ili nekom drugom objektu pogodnom za stanovanje,
- h) da podnosilac zahtjeva i članovi njegovog porodičnog domaćinstva nisu podnijeli zahtjev nadležnim organima za legalizaciju bespravno podignutog objekta.

Član 8.

(Postupak za ostvarivanje prava)

- (1) Postupak za ostvarivanje prava na stan pod zakup pokreće se podnošenjem zahtjeva udruženju čiji je član lice ili drugo pravno lice.
- (2) Udruženje obrađuje svaki prispjeli zahtjev pojedinačno i utvrđuje listu lica na bazi kriterija utvrđenih ovim pravilnikom te istu dostavlja ministru za boračka pitanja Kantona Sarajevo koji donosi konačnu odluku uz prethodnu saglasnost Vlade Kantona Sarajevo.
- (3) Izuzetno, u posebno opravdanim slučajevima gdje je potrebno izvršiti hitan smještaj socijalno-zdravstveno ugroženih pripadnika braniteljske populacije i djece šehida, poginulih, umrlih i nestalih branioca, prijedlog sa dodjelom u podzakup stana na saglasnost Vladi Kantona Sarajevo podnosi Ministarstvo.

DIO TREĆI - KRITERIJI ZA PRVENSTVO OSTVARIVANJA PRAVA

Član 9.

(Kriteriji za prvenstvo ostvarivanja prava)

Podnosioci zahtjeva po ovim kriterijima ostvaruju prvenstvo u dodjeli stana pod zakup na osnovu kriterija koja se utvrđuju u ovom pravilniku i to:

- a) osnovni kriteriji,
- b) posebni kriteriji i
- c) dodatni kriteriji.

Član 10.

(Osnovni kriteriji)

Kriterij za ostvarivanje prava na stan pod zakup jeste da je podnosilac zahtjeva lice:

- a) koje koristi tuđu stambenu jedinicu,

- b) koje je imalo status prijeratnog podstanara.

Član 11.

(Posebni kriteriji)

- (1) U okviru posebnih kriterija za šehidske porodice - porodice poginulog borca su:
- šehidska porodica - porodica poginulog borca sa dva i više poginulih i roditelji koji su izgubili jedno dijete,
 - šehidska porodica - porodica poginulog borca sa jednim poginulim i više od troje djece,
 - šehidska porodica - porodica poginulog borca sa jednim poginulim i dvoje djece,
 - šehidska porodica - porodica poginulog borca sa jednim poginulim i jednim djetetom,
 - šehidska porodica - porodica poginulog borca bez djece,
 - roditelji šehida - roditelji poginulog borca sa jednim poginulim borcem.
- (2) U okviru posebnih kriterija za porodice ratnog vojnog invalida su procenat tjelesnog oštećenja.
- (3) U okviru posebnih kriterija za porodice demobiliziranog branioca su:
- demobilizirani branioci nosioci najviših ratnih priznanja,
 - demobilizirani branioci prvoborci-veterani i organizatori otpora,
 - demobilizirani branioci-logoraši,
 - demobilizirani branitelji.

Član 12.

(Dodatni kriteriji)

Dodatni kriteriji za ostvarivanje prava na stan pod zakup je da se lica nalaze u stanju socijalne potrebe, teško bolesna lica ili sa bolesnim članom porodičnog domaćinstva, kao i teška socijalna situacija.

DIO ČETVRTI - PRIJELAZNE I ZAVRŠNE ODREDBE

Član 13.

(Nadzor)

- Nadzor nad provođenjem ovog pravilnika vrši Ministarstvo.
- Ministarstvo svake godine dostavlja informaciju Vladi Kantona o ostvarivanju prava na dodjelu stana pod zakup i utrošenim sredstvima za tu namjenu.

Član 14.

(Prestanak važenja ranijeg propisa)

Danom stupanja na snagu ovog pravilnika prestaje da važi Pravilnik za dodjelu stana pod zakup ("Službene novine Kantona Sarajevo", broj 6/11).

Član 15.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 06-02-46912/22

17. novembra 2022. godine
Sarajevo

Ministar

Dr. sc. **Omer Osmanović**, s. r.

OPĆINA HADŽIĆI

Općinsko vijeće

Na osnovu člana 26. stav (3) Zakona o prostornom uređenju Kantona Sarajevo ("Službene novine Kantona Sarajevo", broj 24/17 i 1/18), te člana 14. i 24. Statuta Općine Hadžići ("Službene novine Kantona Sarajevo", broj 15/09, 17/12, 10/13, 14/13 - Ispravka, 11/18 i 1/20), Općinsko vijeće Hadžići, na 19. sjednici održanoj dana 10.11.2022. godine, donosi

ODLUKU

**O USVAJANJU PLANA PARCELACIJE STAMBENO
NASELJE "LOKVE"-HADŽIĆI**

Član 1.

Plan parcelacije Stambeno naselje "Lokve"-Hadžići (u daljem tekstu: Plan).

Član 2.

Plan se sastoji od tekstualnog i grafičkog dijela.

Tekstualni dio sadrži:

- Odluka o provođenju PP Stambeno naselje "Lokve"-Hadžići
- Tekstualni dio Plana.

Grafički dio sadrži:

- Faza-Urbanizam prezentiran na odgovarajućem broju tematskih karata i to:
 - karta 1. - Izvod iz Prostornog plana Kantona Sarajevo
 - karta 2. - Ažurna geodetska podloga
 - karta 3. - Postojeće stanje
 - karta 4. - IG karta
 - karta 5. - Planirano stanje-Razmjestaj namjena i spratnost objekata
 - karta 6. - Planirana namjena površina
 - karta 7. - Mreža regulacionih i građevinskih linija
2. Faza saobraćaja
3. Analitička obrada građevinskih parcela.

Član 3.

Idejna rješenja faza saobraćaja, snabdijevanja vodom i odvodnje otpadnih i oborinskih voda, elektroenergetike i javne rasvjete i TK mreže su sastavni dio ovog Plana.

Član 4.

Po jedan primjerak ovjerenog elaborata nalazi se na stalnom javnom uvidu i čuva se u službi dokumentacije Općine Hadžići i Zavodu za planiranje razvoja Kantona Sarajevo.

Član 5.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-10235/22

10. novembra 2022. godine
Hadžići

Predsjedavajući

Općinskog vijeća Hadžići
Almin Bašić, s. r.

Na osnovu člana 26. stav (3) Zakona o prostornom uređenju Kantona Sarajevo ("Službene novine Kantona Sarajevo", broj 24/17 i 1/18), te člana 14. i 24. Statuta Općine Hadžići ("Službene novine Kantona Sarajevo", broj 15/09, 17/12, 10/13, 14/13-Ispravka, 11/18 i 1/20), Općinsko vijeće Hadžići, na 19. sjednici održanoj dana 10.11.2022. godine, donosi

ODLUKU

**O PROVOĐENJU PLANA PARCELACIJE STAMBENO
NASELJE "LOKVE"-HADŽIĆI**

Član 1.

Ovom Odlukom utvrđuju se uvjeti izgradnje, uređenja, zaštite prostora i način provođenja Plan parcelacije Stambeno naselje "Lokve"-Hadžići (u daljem tekstu Plan), a naročito granice obuhvata, urbanističko-tehnički uvjeti za izgradnju građevina, uvjeti uređenja građevinskog zemljišta, uvjeti uređenja zelenih površina, kao i površina pod saobraćajem i komunalnom infrastrukturom.

Član 2.

Granica obuhvata polazi od tromeđe parcela k.č. 928/2, 940/6 i 940/5, potom produžava na sjever, te istok idući međama